



Privredna/Gospodarska komora FBiH poziva Vas da uzmete učešće na seminaru **“Zakon o zaštiti ličnih podataka i Uredba GDPR”**, koji će se održati **20.11.2019. godine od 10.00 do 16.00 sati**, u prostorijama **P/G K FBiH u Sarajevu** (ul. Branislava Đurđeva 10, V sprat).

Različiti su izazovi sa kojima se susreću obveznici primjene Zakona o zaštiti ličnih podataka u BiH. Fokus ovog seminara je na aspektima praktične primjene Zakona, sa ciljem da se učesnicima pomogne da u svom radu što pravilnije i što potpunije ispune sve zahtjeve ovog vrlo kompleksnog, pa i osjetljivog propisa.

Zakon predviđa niz kaznenih mjera prema odgovornim licima koja se ne pridržavaju zakonskih odredbi. Kako biste to izbjegli neophodno je da ovaj Zakon pravilno primijenite u vašoj organizaciji. U skladu sa novim zahtjevima EU Uredbe – GDPR, obaveza pravnih lica je uspostava primjerenih modaliteta postupanja s različitim vrstama ličnih podataka koje se prikupljaju tokom svakodnevnog poslovanja. Istovremeno, s ciljem ujednačavanja našeg zakonskog okvira, trenutno je u proceduri novi Zakon o zaštiti ličnih podataka u BiH.

Jedan od preduslova za modifikaciju poslovnih procesa u praksi je i izrada novih internih akata te u tom kontekstu odabir najoptimalnijih modela pravilne primjene i pristupa prilagođenog svakoj organizaciji. Na seminaru će biti prezentovan sistematizovani sažetak praktičnih informacija koje su relevantne za adekvatnu pripremu za implementaciju novih zakonskih rješenja. Učesnici će imati priliku da, kroz primjere iz prakse i uz vodstvo predavača, odaberu najoptimalniji model pravilne primjene i pristup prilagođen svojoj kompaniji/organizaciji.

#### Imat ćete priliku saznati:

- Šta su sve lični podaci i koje zbirke ličnih podataka vaša kompanija ima;
- Šta sve mora vaša kompanija da uradi u kontekstu Zakona o zaštiti ličnih podataka;
- Kako se uspostavlja evidencija o zbirkama ličnih podataka;
- Šta sve mora vaša kompanija da uradi u kontekstu Uredbe GDPR;
- Kakva je praksa Agencije za zaštitu ličnih podataka;
- Koje su najčešće greške u praksi.



#### Teme seminara:

- **Osnovni pojmovi zaštite ličnih podataka:** Upoznavanje učesnika sa osnovnim pojmovima – lični podatak, nosilac podataka, vrste podataka, kontrolor, obrađivač, zbirke ličnih podataka i dr.
- **Pravni i institucionalni okvir zaštite ličnih podataka:** Upoznavanje sa EU i BiH pravnim okvirom zaštite ličnih podataka – Uredba GDPR i Zakon o zaštiti ličnih podataka BiH, kao i institucionalnim okvirom – Agencijom za zaštitu ličnih podataka.
- **Standardi obrade ličnih podataka u skladu sa Zakonom i GDPR Uredbom – šta su novine:** Uredba GDPR dodatno, na novi, način usložnjava problematiku zaštite ličnih podataka. U ovom dijelu radionice učesnici će biti upoznati sa najvažnijim sadržajima GDPR.
- **Obrada i postupanje sa dokumentacijom koja sadrži lične podatke:** Svako privredno društvo/kompanija/organizacija ima vlastite evidencije o radnicima, evidencije o obračunatim platama, evidencije o klijentima, evidencije o videonadzoru i druge vlastite evidencije ovisno o svojoj djelatnosti.
- **Priprema za usaglašavanje sa novim Zakonom o zaštiti ličnih podataka BiH:** Novi Zakon o zaštiti ličnih podataka u BiH usaglašava naš pravni okvir sa EU Uredbom GDPR i na jedan zahtjevniji način od postojećeg Zakona o zaštiti ličnih podataka normira ovu oblast.
- **Postupak ustupanja podataka drugim subjektima:** Svako privredno društvo/kompanija/organizacija ima vlastite evidencije, a podatke iz tih evidencija o nosiocima ličnih podataka može ustupati i drugim subjektima kao i pod određenim okolnostima vršiti transfer tih podataka u inostranstvo.
- **Praksa Agencije za zaštitu ličnih podataka – inspeksijski nadzor:** Učesnici će biti upoznati sa radom i nadležnostima Agencije, sa Glavnim registrom uspostavljenim pri Agenciji te svojim obavezama u smislu inspeksijskog nadzora Agencije.
- **Najčešće greške u praksi:** Učesnici će biti upoznati sa najčešćim greškama u primjeni Zakona o zaštiti ličnih podataka u BiH, te kako mogu i trebaju izbjeći te greške.

#### Predavač

**dr. sc. Muhamed Mujakić**



Certificirani trener za više stručnih oblasti iz prava, sa višegodišnjim iskustvom u stručnoj edukaciji državnih službenika i zaposlenika. Posjeduje višegodišnje radno iskustvo u državnim institucijama koje uključuje Ministarstvo sigurnosti – Služba za poslove sa strancima, Ministarstvo civilnih poslova BiH, Ured registrara Suda Bosne i Hercegovine i dr. Diplomirao je, magistrirao i doktorirao pravne nauke iz oblasti javnog prava. Certificirani je predavač/trainer Agencije za državnu službu Bosne i Hercegovine i Agencije za državnu službu Federacije BiH za više oblasti. Pohađao je niz obuka u zemlji i inostranstvu, te bio na više studijskih boravaka u inostranstvu. Autor je više publikacija i stručnih radova. Član je nekoliko strukovnih asocijacija. Bio je sudija porotnik Vrhovnog suda FBiH, a arbitar je pri Vanjskotrgovinskoj komori BiH.

#### Iznos kotizacije:

Kotizacija za učešće na seminaru iznosi **169 KM + PDV**. Za prijave do **12.11.2019. godine** i organizacije koje prijave 2 ili više učesnika, kotizacija iznosi **149 KM + PDV**.

#### Prijava:

Za prijavu učešća, molimo da dostavite popunjen prijavni obrazac najkasnije **do 18.11.2019. godine** putem e-maila na [a.handzic@kfbih.com](mailto:a.handzic@kfbih.com).

Za dodatne informacije, molimo da kontaktirate Centar za promociju i edukaciju P/G K FBiH (kontakt osoba: Aida Handžić, tel: 033 566 322 ili e-mail: [a.handzic@kfbih.com](mailto:a.handzic@kfbih.com)).